

INUIT ATAQATIGIIT

Inatsisartuni



UKA 2018/200
01.10.218
Mimi Karlsen

Qaffasinnerusumik ilinniartitaanerit pillugit Inatsisartut inatsisaat nr. xx, xx. xxx 2018-imeersoq

(Ilinniartitaanermut, Kultureqarnermut, Ilisimatusarnermut Ilageeqarnermut Nunanut Allannullu Naalakkersuisoq)

Inuit Ataqatigiit Naalakkersuisut Qaffasinnerusumik ilinniartitaanerit pillugit inatsisissamik saqqummiussinerat matumuuna oqaaseqarfigissavarput.

Qaffasinnerusumik ilinniartitaanerit tassaapput Nunatsinni ilinniartit qaffasinneraat.

Qaffasinnerusumik ilinniartitaanerit ineriartortittuartaqarpagut aammalu qaffasissusai nunarsuarmioqatitsinnut naleqqussartuartaqarpagut.

Eqqaamasariaqarporli nunarsuarmi inukinnerpaatut inissisimanerput nunarsuarmi ilinniartippassualinnut naleqqiussinnaanerput killeqartarmat. Aammattaarli Qaffasinnerusumik ilinniartitaanerit nunatsinni nunanut allanut sanilliullugit nutaajulluinnarmata. Taakku pissutsit nalunngissutsikkut aqqissuiniarnitsigullu malinnaatittuartaqarpagut. Ilisimatusarfimmi ilinniartit ukiunik 40-ni Nunatsinni ingerlanneqalerpoq Ilinniartissuarli 1847-mili ilinniartit. Taamaammatt Qaffasinnerusumik ilinniartitaanerit nunarsuarmiunut allanut sanilliullugit nutaajupput.

Makku Ilisimatusarfik pillugu oqaatigeriikkat oqaatigeqqikkumavagut:

Pingaaruteqarluinnarpoq Ilisimatusarfiup nunani allani ilisimatusarfinnut nallersuunneqarsinnaanissaa, taamaammatt Ilisimatusarfiup anguniagai,

piumasaqaatai aqunneqarneralu nunani allani piumasaqaatinut

qaninnerpaamiissapput. Naalakkersuisut siunnersuutigaat Ilisimatusarfiup

anguniagaasa Naalakkersuisunit akuerineqartarnissaa. Tusarniaanermi akissummi

IMAK isumaqanngilaq ilinniagaqarnernut aqqissuussinerit Naalakkersuisunit /

naalakkersuisoqarfinnit akuerineqartassasut, siulersuisunilli ilinniarsimasunilli

akuerineqartassasut isumaqarlutik. Ilisimatusarfiup suleqateqarnermigut

apeqquserneqassanngilaq politikikkut aqunneqarnersoq. Pingaaruteqarluinnarpoq

INUIT ATAQATIGIIT

Inatsisartuni



Ilisimatusarfik politikikkut naalakkersorneqartutut pasillerneqannginnissaa, ingammik nunanit allaniit nalornisoqassanngilaq Ilisimatusarfik politikikkut aqunneqanngitsoq naalakkersorneqanngitsorlu ilisimassallugu.

Ilinniartut sapinngisamik oqartussaaqataanerit eriagineqassaaq, taamaammallu ilinniartut sivilisunerusumik oqartussaaftinnut ilaanisaat millisartariaqanngilarput.

Ilisimatusarfimmut tunngasup nalinginnaasumik oqaaseqaatitaani aamma qaffasinnerusumik ilinniagaqarnerit pillugit inatsisissatut siunnersuutip nalinginnaasumik oqaaseqaatitaani ersippoq professioninut sammitillugit bachelorinnngorniarnit nalinginnaasumillu bachelorinnngorniarnit immikkoortillugit inissisimatinneqarunnaassasut. Tamatumunnga pissutaatinniarneqarpoq ilinniakkat malunnaatilimmik assigiinngissutaarussimanerat.

Ilinniakkat imarisamikkut sivilisussutsimikkullu assigiinngillat. Inuit Ataqatigiit isumaqarput allanngineq taamatut ittoq, assersuutigalugu, ilinniartitsisutut ilinniakkamik nalikilliliinermik sunniuteqassasooq. IMAK-ip tusarniutini akissutaa ataatsimiitsitaliami nalilersornissaa pingaartipparput, tassalu assersuutigalugu ilinniartitsisunngorniarnit ukiunik 5-nik sivilisussusilissallugu.

Bachelorinnngorniat ilinniarnermi ukioq ataaseq nunami allamiittalernissaat pillugu ILIILI-p mianersoqqussutaa maluginiarluaqqarput. Kollegiassaaleqineq annertutigisoq nunanit allaniit paarlaasseqatigiittoqartassappat inissaqartitsinnginnissaq ernumanarmat.

Qaffasinnerusumik ilinniartitaanerit ilinniarumasunut kajungernartuujuartariaqarpoq, aammalu ilisimasamik annertuunik pissarsiffiulluni.

Qaffasinnerusumik ilinniartitaanerit pitsaassusermik piumasaqaateqarfiujuarnissaa pingaartipparput, pitsaassuserlu qaffasinnerpaajuuaannanngitsoq aqutaasinnaasoq nalunnginnatsigu siunnersuut ataatsimiitsitaliamut ingerlateqqikkumavarput.